



15. april 2019

UPA 2019/132

### **Naqqiut**

Siunnersuut imm.132. 15. februar 2019-meersoq taarserpaa  
(Siunnersuuteqartup atia allanngorpoq)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuu-  
na saqqummiuppara:

**Inuussutissalerinermut aamma uumasut nakorsaqaqarnerannut tunngasunut suliassaqaqarfiup tamakkiisumik tiguneqarnissaat pillugu nassuiaasioqqullugit Naalakkersuisut peqquneqar-  
nissaannik Inatsisartut aalajangiiffigisassaattut siunnersuut. Pineqartut tiguneqarnerisigut i-  
natsisilerinikkut allaffissornikkullu aallaavissat sukumiinerusut, taamatullu aamma pilersitsi-  
nermut ingerlatsinermullu aningaasatigut kingunerisassat nassuiaammi allaaserineqassapput. Suliassaqaqarfiup ulluinnarni ingerlanneqarsinnaaneranut, sulisussarsiniartarneq ilanngullugu, periarfissat nassuiaammi nalilersorneqassapputtaaq. Nassuiaat Inatsisartunut UPA2020-mi saqqummiunneqassaaq.**

(Inatsisartunut ilaasortaq Aqqalu C. Jerimiassen, Atassut)

### **Tunngavilersuut:**

Isumaqaqpugut suliassaqaqarfimmik tiguisinnaasugut, taamaaliornikkummi aamma ineriartornermik pilersitsisinnaagatta. 2009-imili Namminersorneq pillugu inatsiseqalerpugut, taamaattumik isuma-  
qaqpugut piffissanngortoq nalilersussallugu suliassaqaqarfik tigugutsigu tamanna qanoq akeqassaner-  
soq, soorlu aamma suliassaqaqarfiup nunatsinnut pingaarutilerujussuup tiguneqarnissaa pingaarnersi-  
nitsinni salliutittariaqaripput.

Nunanit allanit inuussutissat nunatsinni eqqunneqartut nammineq akuerisinnaasariaqarpagut, taman-  
nalul qularnaarniarutsigu nakkutigisariaqarparput, inuussutissalerinermut oqartussaanerup nunatsin-  
nuit tiguneqarneratigut.

Suliassaqaqarfimmut oqartussaanerup tiguneqarneratigut taamatuttaaq innuttaasut peqqissusiisa iller-  
sorneqarsinnaanerannut, inuussutissat avatangiisinik innarliisinnaasut pitsaanerumik nakkutigi-  
sinnaalernissaannut, imminullu pilersornerup annertusarneqarnissaanut periarfissavut nukittorsassa-  
vagut. Piareersimavugut akisussaaffiup annertuup taassuma tigunissaanut.

Ungasinnerusoq eqqarsaatigalugu upperaarput inuussutissalerinermik inuussutissarsiuteqarneq eq-  
qarsaatigalugu suliffeqaqarfinnik amerlanerusunik pilersitsisoqarsinnaasoq, inuussutissarsiortut akor-



nanni suleqatigiinnerup, imminut pilersornerup, nakkutilliinerup inatsisiliornerillu aporfissanik pii-aanerisigut.

Nalunngilarput suliassaqrarfiit nunatsinnit tiguneqarnissaat pillugu nassuiaasioqqullugit Naalakkersuisut peqquneqarnissaannik siunnersuut UKA2015/113-imi akuerineqaraluartoq. Qinersisoqarnerali pissutigalugu akisussaaffinnik nunatta tigusinerata qanoq akeqarnissaanik sunillu piumasqaatitaqarnissaanik nalunaarusiaq naammassineqanngitsoorpoq.

Inuussutissanik nakkutilliineq pillugu § 37 naapertorlugu apeqqutinut nr. 32-mut 2019-imeersumut Naalakkersuisut akissuteqaatiminni oqaatigaat, tigusinerup qanoq akeqarnissaanut naatsorsuinerit nutaat pisariaqartinneqartut, taamatullu aamma oqartussaassutsip ilusilersugaanerata allanngortinneqarnissaa, suliassanut suliaqarnissamat piginnaasaqartunik atorfinitsitsineq piginnaangorsaanerlu, sulisussanik aningaasanillu ilassuteqarneq, kiisalu nutaanik inatsisiliornerit ingerlaavartumik naleqqussarneqartartussat pisariaqassat. 2015-imili suleqatigiissitamut suliassarititaasussat pillugit isummernissamat tunngavissiortoqarsimavoq, tassani allaaserineqarsimallutik suleqatigiissitamut misissuisussamat killiliussassat, tamatumali kingorna suliaq ingerlaqqissimanani.

Suliassaqrarfiup tiguneqarnissaanut aallaavissat sukumiinerusut nassuiarneqarnissaat piffissanngorpoq, suliassaqrarfiup tamakkiisumik tiguneqarnissaanut suut pisariaqarnerisut ilisimaniassagatsigit.

### **Pisortanut aningaasatigut allaffissornikkullu kingunerisassai.**

Suleqatigiissitamut suliassarititat siusinnerusukkut suliarineqareernikuupput. Suleqatigiissitamut peqataaneq aamma suliassaqrarfiimmik tigusinissamat aallaavissanik sukumiisunik, kiisalu tigusinerup iluaqutissartaanik ajoqutigisinnaasaanillu, tamakkiisumik qulaajaaneq, kiisalu aningaasatigut kingunerisassai allaaserlugit immini nalunaarusiorneq, nalunaarusiap nutserneqarnera il.il. nalilerneqarput AC-fuldægtinginut naatsorlugu ukioq naallugu sulisunik marlunnik, tassa 1,0 mio. kr. tikillugit, akeqartussatut.

### **Namminersorlutik inuussutissarsiuqartunut aningaasatigut allaffissornikkullu kingunerisassai.**

Soqanngilaq.

### **Innuttaasunut aningaasatigut allaffissornikkullu kingunerisassai.**

Soqanngilaq.

